

ጾዎሎሴ ማደም ዳኪንቴ ጳውሎስ ቤርታሲ ዳኬ ኪኢቶ ቴሰሎንቄ ዓፄጌ ዓሶም ዓይጾ ካር

ቴሰሎንቄ ጌይነታ ካታሚላ ርሜ ዓጮ ካኣቲ ዋይህ፡ ማቄደኒያኮ ጳኤፖ ካታሚሎኬ። ጳውሎሴ ቴሰሎንቄይዳ ሺኢጲያ ማኣር ዔቁሴህ ፒልጲሲዮሴ ዓጮ ሃሺ ዴንዳህኮ ጊንፃፓኬ። ዩይ ያዲ ማዔቴያ ዓይሁዶ ካኣዠይዳ ጌሊ ካኣሽካኒ ዑኬ፡ ዓይሁዶ ማዒባኣ ዓሳ፡- ጳውሎሴ ኬኤዛ ጉሙርቂያ ሃይሶ ዛሎ ዋይዚ ዒዛ ባንህ ማዓኒ ማሌህር ዓይሁዶ ዓሳ ቁኢሪ ጳውሎሴ ዒፃህር ጳውሎሴ ቴሰሎንቄ ሃሺ ቤኤሪያ ዓኣዲኒ ዳንዳዔ፤ ዩካፓ ቆርንቶሴ ዓጮ ዒ ዓኣዲ ዓኣንቴ ዒዛና ዋላ ማዳ፡ ፃሞቴዎሴ ቴሰሎንቄ ሺኢጲያ ማኣር ዛሎ ባኣዚ ፓይዲ ፓይዲ ዒዛም ፃኣፔ።

ጳውሎሴ ቤርታሳ ኪኢቶ ቴሰሎንቄ ዓሶም ፃኣፔህ ኪሪሰቶሴ ጉሙርቂያ ዓሶ ደዲሻኒኬ፤ ዔያቶኮ ኪሪሰቶሴ ጉሙርቂህና ናሹሞዋ ዓኣያ ማዔህ ዋይዜህር ጾኦሲ ዒ ጋላታ፤ ዒዚ ዔያቶ ባኣካ ዓኣ ዋደና ዋማይዲ ናንጌቴያ ዔያቶም ጳቂህ ኬኤዛ፤ ዩካፓ ኪሪሰቶሴኮ ላሚ ማዒ ሙኪያ ዛሎ ጾኦጪንቴ ጾኦጪያኮ ማሂ ኬኤዛ፤ ዩንህ ጾኦጪያንህዳፓ ፔቴ ፔቴዘንህ፡- «ኪሪሰቶሴ ላሚ ሙካንዳህኮ ቤርታ ሃይቄ፡ ዒዛ ጉሙርቂያ ዓሲ ኪሪሰቶሴኮ ማዒ ሙኪያ ዒንጋንዳ ናንጊና ናንጎ ዴንቃኒ ዳንዳዓ? ኪሪሰቶሴ ማዒ ሙካንዳህ ዓይዳዳይ?» ጋዓዘንህኬ። ጳውሎሴ ዩንህ ጾኦጪያንህዳፓ ዔቁ፡- «ኪሪሰቶሴኮ ላሚ ሙኪያ ሃጊ ማዓንዳ ዋዛና ካፒ ካፒ ዩማ ሄላንዳኣና ዚቲዮ ጌዒ ማዶ ዒንህኮ ማዶዋቴ» ጌይ ዔያቶ ዘራ።

ማፃኣፔላ ዲማ ዲማ ዓርቄ ባኮ

- ዓይጾ ካር (1:1)
- ቴሰሎንቄ ዓሶ ዛሎር ጳውሎሴኮ ጋላቶ (1:2—3:13)
- ቴሰሎንቄ ዓሶም ዘርና ዘር (4:1-12)
- ኪሪሰቶሴኮ ላሚ ሙኪያ ዛሎ ኬኤዚንቴ ሃይሴ (4:13—5:11)
- ጋፒንህ ዘር (5:12-22)
- ጋፒንህ ሃይሴ (5:23-28)

1 የኦሲ፣ ዓዳሢና ጎዳ ዬሱስ ኪሪስቶስና ማዕ ዩሳ፣ ቱሰሎንቄ ሺኢጲያ ማኣር ዓሶም፤ ጳውሎስና ሲላስና ጂሞቴዎስናይዳፓ ዲኪንቴ ኪኢታ፡- የኦሲኮ ኮሹሞ ዲንጊዓ ዲንሢም ማዖንጎ።

ቱሰሎንቄ ዓሶኮ ናንጎና ጉሙርቂዖና ዛላ

2 ቢያ ዎዴ ኑ ዲንሢ ዛሎ ሺኢቃኣና ዲንሢ ዛሎር የኦሲ ኑ ጋላታኔ።

3 ዲንሢ የኦሲ ጉሙርቂዖና ዎማይዲ ማዳቴያ ሃሣ ናሹሞና ዎማይዲ ላቢ ማዳቴያ ጊንሣ ሃሣ ጎዳ ዬሱስ ኪሪስቶስ ዛሎና ዲንሢኮ ዓኣ ሃጊ ማዓንዳ ዎዛ ዎማዒ ደዲ ማዕቴያ ኑ ጎዳሢና ኑ ዓዳሢና ቤርታ ቢያ ዎዴ ኑ ጳቂሣኔ።

4 የኦሲ ዲንሢ ናሽካ፣ ታ ዲሾንሦ! ታ ሚሾንሦ! የኦሲ ዲንሢ ደኦሪሢ ኑ ዔሪኔ።

5 ዎይቲ ጌዔቴ ኑኡኒ ኮዡ ሃይሶ ዲንሢም ኬኤዜሢ ዳንጋና ሌሊቱዎንቴ ዓያና ጌኤሺ ዛላና፤ ሃሣ ዓያና ጌኤሺ ዲንጌ ዎልቄና ዬያጉዲ ሃሣ ኮዡ ሃይሶኮ ጎኑሞ ዔሪ ጉሙርቂሢና። ዲንሢና ዎላ ኑ ዓኣ ዎደና ዲንሢ ዛሎ ጌዒ ዎይቲ ኑ ናንጌቴያ ዲንሢ ዔሪኔ።

6 ዎዚ ዲንሢ ሚርጌ ሜታ ሄሌቴያ ዓያና ጌኤሺ ዲንጋ ዎዛና ቃኣሎ ዎይዚ ዔኪ፣ ኑናንታ ጎዳ ዬሱስ ኪሪስቶስንታ ማዳ ጎይዖ ዲንሢያ ማዳያ ማዕኔ።

7 ዬያይዳፓ ዔቄያና ሜቄደኒያና ዓካይያናይዳ ዓኣ ኪሪስቶስ ጉሙርቃዛንሢም ኮሺ ኮኦኪንሢ ዲንሢ ማዕኔ።

8 ጎዳኮ ቃኣላ ዲንሢዳፓ ኬሰኪ ዎይዚንቴሢ ሜቄደኒያና ዓካይያናይዳ ሌሊቱዎንቴ የኦሲ ጉሙርቂዖ ዲንሢኮ ቢያ ቤዛ ዔርቴኔ፤ ዬያ ዛሎ ሚርጌ ኑ ኬኤዛንዳያ ኮይሱዎሴ።

9 ኑኡኒ ዲንሢ ኮይላ ሙኬ ዎደና ዎማይዲ ዲንሢ ኑና ሾኦቹንሢ ዔኬቴያ፤ ናንጊና ባይቁዎያ ሃሣ ጎኔ ማዕ የኦዛሢም ማዳኒ ሜሌ ካኣዡይዳፓ የኦዛሢ ባንሢ ዎማይዲ ዲንሢ ማዕቴያ ዓሳ ፔ ቶኦኪና ማርካዳኔ።

10 ዬያጉዲ ሃሣ ሃይባፓ የኦሲ ዔቂሴም ዔቄ፣ ሙካንዳ የኦሲ ጎሪንታፓኦ ኑና ዳቂሻንዳ፣ የኦሲ ናዒሢ ዬሱሴኮዎ ጫሪንጫፓ ማዒ ሙኪያ ዎማይዲ ዲንሢ ካፓቴያ ዔያታ ማርካዳኔ።

2

ጳውሎስ ቱሰሎንቄይዳ ማዳ ማዳ

1 ታ ዲሾንሦ! ታ ሚሾንሦ! ኑኡኮ ዲንሢ ኮራ ሙኪፃ ጉሪ ባቲባኣያ ማዕሢ ዲንሢ ዲንሢ ቶኦኪና ዔራሬ።

2 ዲንሢ ዔራ ጎይፃ ሃያኮ ቤርታ ፒልጲሲዮሴይዳ ኑ ዓኣ ዎደና ሜቶና ጫሺና ኑና ሄሌኔ፤ ጋዓንቴ ዎዚ ዴኤፒ ዲግሢ ኑና ሄሌቴያ ፆኦሲኮ ኮዥ ሃይሶ ኑ ከኤዛንዳጉዲ ዲዚ ኑም ጫርሹሞ ዲንገኔ።

3 ኑኡኒ ዲንሢ ዘሪሢ፡- ዳቢንቴና ሃሃ ፑርታ ማሊሢና ዔቂቴዎሴ፤ ሃሃ ኑ ዲንሢ ጌሻኒ ማዴ ባኣዚ ፔቴታፃ ባኣሴ።

4 ባሹና ኮዥ ሃይሶ ቃኣሎ ኑ ከኤዛንዳጉዲ ፆኦሲ ኑም ዲንገሢ ኑ «ዳንደዓንደኔ» ጌይ ጉሙርቂታሢር ኑ ከኤዛኔ፤ ዩያ ኑ ማዳሢ ኑኡኮ ዲኖ ዘገ ዔራሬ፡ ፆኦዛሢ ዎዛሳኒ ጌይ ማዓንዳኣፓዓቴም ዓሲ ዎዛሳኒቴዎሴ።

5 ዲንሢ ኑ ጌሺ ሃሃ ሚኢሺ ዳንቃኒ ከኤዚ ሃንቴባኣሢ ዲንሢ ዲንሢ ቶኦኪና፤ ፆኦሲያ ኑኡኮ ማርካከ።

6 ኑኡኒ ኪሪሰቶሴም ዳኪንቴ ማዳያ ማዕ ጎይፃና ኑ ዲንሢ ቢያ ባኣዚ ፆኦጫኒ ዳንዳዓያታፃ ዲንሢዳፓ ማዕቴያ ማሌ ፃ ጊዳፓኣ ቦንቾ ኑ ኮይባኣሴ።

7 ጋዓንቴ ፔኤኮ ዲቻ ናኣቶም ማላ ዲንዴሎጉዲ ዲንሢም ኑ ሚጨንታያ ማዕኔ።

8 ሃሃ ኑ ዲንሢ ሚርጌና ናሽካሢር ዴኤፖ ናሹማፓ ዔቁያና ፆኦሲኮ ኮዥ ሃይሶ ቃኣሎ ከኤዚያ ሌሊቴዎንቴ ዲንሢ ዛሎ ሃይቃኒታፃ ኑ ጊኢጊንቴንቴከ።

9 ታ ዲሾንሦ! ታ ሚሾንሦ! ኑኡኒ ዎማዲ ማዴቴያ ሃሃ ላቤቴያ ዲንሢ ዔራሬ፤ ፆኦሲኮ ኮዥ ሃይሶ ዲንሢም ኑ ከኤዛ ዎደና ዲንሢዳፓ ፔቴ ዓሲምታፃ ኑ ከዲ ማዑዎጉዲ ዎንቴና ሮኦሪና ኑ ዎይፃር ማዲ ማዲ ኑ ላቤኔ።

10 ዲንሢ፡ ኪሪሰቶሴ ጉሙርቃ ዓሶ ባኣካ ኑ ናንጌ ዎደና ዎይቴ ኑ ፆኦሲም ዲማዴያና ግሎ ማዒ ሃሃ ዲኢሳ ባኣዚ ባኣያ ማዒ ናንጌቴ ዲንሢ ዲንሢ ቶኦኪና ዔራሬ፤ ሃሃ ፆኦሲያ ዩያኮ ማርካከ።

11 ዓዴ ፔኤኮ ናኣቶም ማዳሢ ጎይፃ ኑኡኒያ ዲንሢ ፔቴ ፔቴሢም ዎማይዲ ማዴቴያ ዲንሢ ዔራሬ፤

12 ቢያ ዎዴ ኑ ዲንሢ ዘሪ ዘሪ ሃሃ ደዲሺ ደዲሺ ፔኤኮ ካኣቴሞና ቦንቾናይዳ ዲንሢ ጌላንዳጉዲ ዲንሢ ዔኤሌ፡ ፆኦዛሢ ዎዛሳ ጎይሢ ናንጉዎቴ ጌይ ኑ ዲንሢ ሺኢቁሢ ዲንሢ ዔራሬ።

13 ሃሃ ኑ ዲንሢ ዛሎ ቢያ ዎዴ ፆኦሲ ጋላታ ባኣዚ ዓኣኔ፤ ዩይያ፡- ዲንሢ ኑ ጊዳፓ ዎይከ ፆኦሲ ቃኣሎ ጉሙርቂ ዔከ ዎደና ኪሪሰቶሴ

2:2 ዳኪ. ማዳ 16:19-24፤ 17:1-9።

ጉሙርቃ ዓሶይዳ ማዳ፣ ይያ ቃኣሎ ጉሙርቄ ዒንሢ ዔኬሢ ዓሲ ሃይሴ ማሂቱቸንቴ ያኦሲ ቃኣላ ማሂኬ፤ ጎኔና ዩይ ያኦሲ ቃኣላኬ።

14 ታ ዒሾንሦ! ታ ሚሾንሦ! ዒንሢ ዩሁዳ ዓጮይዳ ዩሱሰ ኪሪሰቶሴና ዓኣ ያኦሲ ጉሙርቃ ሺኢጲያ ማኣሮ ዓሶጉዲ ማዔኔ፤ ዋይቲ ገዔቲ ዔያቶ ዩሁዳ ዓጮይዳ ዓይሁድ ዓሳ ሜታሴሢጉዲ ዒንሢያ ዒንሢ ዒገና ሜታሴኔ።

15 ዓይሁድ ዓሳ ጎዳ ዩሱሴና ያኦሲ ማሊያ ኬኤዛ ዓሶና ዋዴያ፤ ሃሣ ኑናኣ ዒጲ ዳኪ ፔ ዓጫፓ ኬሴዘንሢ፤ ዔያታ ያኦሲ ያዩሳያ ሃሣ ዓሲያ ዒጻያኬ፤

16 ዔያታ ዓይሁዳ ማዒባኣ ዓሳ ዋይዚ ዳቃንዳ ቃኣሎ ኑ ኬኤዘቀጉዲ ላኣጋኔ፤ ዩያይዲያና ዔያታ ጎሜይዳ ጎሜ ቃሲ ቃሲ ዓኣዳኔ፤ ዩያሮ ሃሢ ጋፒንያይዳ ያኦሲኮ ጎሪንታ ደዲ ዔያቶ ሄሌኔ።

ጳውሎሴ ቱስሎንቄ ዓሶ ላሚ ዴንዲ ዛጋኒ ኮዔሢ

17 ጋዓንቴ ታ ዒሾንሦ! ታ ሚሾንሦ! ዓያናናቱዋንቴ ዓሽኪና ዳካ ዋዴ ኑ ዒንሢፓ ደማዴቲያ ሃሢ ኑ ዒንሢ ሚርገና ጳቂሢሢሮ ሙኪ ዒንሢ ዛጋኒ ዲቢ ካራ ኑ ኮዔኔ።

18 ዩያይዲ ዒንሢ ባንሢ ኑ ሙካኒ ማሊንቴኬ፤ ባሼ ታኣኒ፣ ጳውሎሴ ዒንሢ ባንሢ ሙካኒ ላሚ ላሚ ኮዔንቴ ያላሄ ኑና ሙኮ ላኣገ ቃዜኔ።

19 ማዔቲያ ኑ ጎዳሢ ዩሱሴ ሙኬ ዋደና ዒዛ ቤርቶይዳ ኑኡኮ ሃገ ማዓንዳ ዋዘ ማዓንዳሢ፤ ሃሣ ኑኡኮ ቦንቺንታኣ ያኦናዳይ? ዒንሢናቱዋዓዳ?

20 ጎኔና ኑኡኮ ቦንቺና ዋዛኣ ዒንሢናኬ።

3

1 ዩያሮ ሃይካፓ ሴካ «ዒንሢ ባንሢ ኑ ሙካንዳኔ» ገዒ ገዒ ዴዓኒ ኑ ዳንዳዒባኣሢሮ ዓቴናይዳ ኑኡሮ ሌሊ ኑ ፓቂንቴ ዓታንዳያ ከይሳሢ ኑም ዔርቴኔ።

2 ኑኡኮ ዒሻሢ፣ ሃሣ ኪሪሰቶሴኮ ኮዦ ሃይሶ ኬኤዚያና ኑኡና ዋላ ያኦሲም ማዳያ ማዔ፣ ጻሞቲዎሴ ኑ ዒንሢ ኮይላ ዳኬኔ፤ ኑ ዩያይዴሢ ዒንሢ ዒ ደዲሻንዳጉዲና ያኦሲ ጉሙርቁያና ዒንሢ ደዳንዳጉዲ ዘሮም ገይኬ።

3 ዩይያ ዒንሢ ሄሌ ሜታሢና ዒንሢ ያኦሲ ጉሙርቁያ ሃሹዋጉዲ ማሃንዳኔ፤ ዩይ ሜታሢ ኑም ዒንጎና ባኣዚ ማዔሢ ዒንሢ ዔራኔ።

2:14 ዳኪ. ማዳ 17:5። 2:15 ዳኪ. ማዳ 9:23፤29፤ 13:45፤ 14:2፤5፤19፤ 17:5፤13፤ 18:12። 3:1 ዳኪ. ማዳ 17:15።

4 ቤርታ ዲንሢና ዋላ ኑ ዓአ ዋዶና ሜታ ኑና ሄላንዳሢ ኑ ዲንሢም ኬኤዘኔ፤ ዲንሢ ዔራሢጉዲ ዬይ ሜታ ኑና ሄላኔ።

5 ዬያር ሃይፓ ሴካ «ዲንሢ ከይላ ሙካንዳኔ» ገዒ ገዒ ዳዒኒ ታ ዳንዳዒባአሢር ታአኒ ዲንሢኮ ጾኢና ዓአ ጉሙርቂያ ዔራኒ፤ ግሞቴዎሴ ዲንሢ ከይላ ዳኬኔ፤ ዒዛ ታ ዳኬሢ ዳቢሻኒ ገሻሢ ዲንሢ ጌሼያ ናንዳኔ ሃሣ ማዳኦ ኑኡኮ ጉሪ ዓቴያ ናንዳኔ ገይ ታ ሂርጌሢርከ።

ግሞቴዎሴ ቱስሎንቄ ዓሶ ዛሎ ኬኤዘ ሃይሴ

6 ሃሢ ጋዓንቴ ግሞቴዎሴ ዲንሢ ኮራፓ ሙኪ ዲንሢኮ ጾኢ ጉሙርቂያና ናሹሞና ዛሎ ዋዛሳ ሃይሴ ኑም ኬኤዘኔ፤ ባሼና ዲንሢ ቢያ ዋዴ ኑ ዛሎ ሚርጌና ማላያ፤ ሃሣ ኑኡኒ ዲንሢ ዛጋኒ ጳቂሣሢጉዲ ዲንሢያ ኑና ዛጋኒ ጳቂሣያታሢ ዒ ኑም ኬኤዘኔ።

7 ዬያር ታ ዒሾንሦ! ታ ሚሾንሦ! ዋዚ ኑኡኒ ሃሢ ዓአሢ ዋአዪሢና ሜቶናይዳ ማዔቴያ ዲንሢኮ ጾኢ ጉሙርቂያ ዋይዚ ሃሢ ኑ ዶዴኔ።

8 ዲንሢኮ ጎዳ ዬሱሴና ዶዲ ናንጊፃ ኑ ሃውሺ ናንጋንዳጉዲ ማሄኔ።

9 ዓካሪ ዲንሢ ዛሎና ኑ ጾኢ ቤርታ ዳንቄ ዋዘር ዒዛ ኑ ዋዚ ገይ ጋላቶንዶይ?

10 ዋንቴና ሮኑሪና ዶዲ ኑ ሺኢቃሢ ዲንሢ ዛጋኒና ጾኢ ጉሙርቂያ ዛሎና ዲንሢም ፓጩ ባኮ ከኑሣኒ ኑ ዳንዳዓንዳጉዲከ።

11 ሃሢያ ኑኡኮ ዓዳሢ ማዔ፤ ጾዛሢና ኑ ጎዳሢ፤ ዬሱሴ ኪሪሰቶሴና ኑ ዲንሢ ባንሢ ሙካንዳጉዲ ጎይያ ኑም ጊኢጊሾንጎ።

12 ኑኡኒ ዲንሢ ናሽካሢጉዲ ዲንሢኮ ዋሊና ዓአ ናሹሞና ሜሌ ዓሶ ዲንሢ ናሽካ ናሹሞ ጎዳ ዲንሢም ቃሲ ሚርጊሾንጎ።

13 ኑ ጎዳሢ ዬሱሴ ጾኢም ዲማዴዞንሢና ዋላ ሙካኦና ኑኡኮ ዓዳሢ ማዔ፤ ጾዛሢ ቤርታ ቦሂሳ ባኦዚ ባኦያና ጾኢም ዲማዴያ ዲንሢ ማዓንዳጉዲ ጾኢ ዲንሢኮ ዒኖ ዶዲሾንጎ።

4

ጾኢ ዋዛሳ ናንጊ

1 ዓካሪ ታ ዒሾንሦ! ታ ሚሾንሦ! ጾኢ ዋዛሳኒ ዋይቲ ዲንሢ ናንጋንዳቴ ኑ ዲንሢ ዔርዘኔ፤ ሃሢያ ዲንሢ ጎኔና ናንጋሢ ዬያ ጎይያከ፤ ጎዳ ዬሱሴ ሱንጾና ኑ ዲንሢ ሺኢቃሢና ዘራሢ ሃያኮ ቤርታ ዲንሢ ማዴሢዳፓ ባሼ ማዳንዳጉዲከ።

3:6 ዳኪ. ማዳ 18:5።

2 ጎዳ ዩሱሴ ሱንጾና ዲንሢ ናንጋንዳ ጎይያ ኑ ዲንሢ ዔርዘሢ ዲንሢ ዔራኔ።

3 ጾኦሲኮ ማሊፃ ዲንሢ ዲዛም ደመጴያ ማዓንዳጉዲና ዓሲ ሃሣ ማቾ ማዒባኢያና ላሂሢፓ ሃካንዳጉዲኬ።

4 ዲንሢ ቢያሢ ዲንሢኮ ዑጾ ጾኦሲም ደመጴያና ቦንቺንቴያና ማሂ ካፒሢ ዔራንዳያ ኮይሳኔ።

5 ጾኦሲ ዔራቀ ዓሰጉዲ ዲንሢ ማሊፃ ሱኡኮ ኩንሣያ ማዒፖፕ።

6 ዬያ ባኮና ጾኦሲያ ዳቢንቴ፣ ማሌሢያ ጌሾፓ፣ ሃያኮ ቤርታ ኑ ዲንሢም ላቲ ኬኤዘሢጉዲ ዬንሢ ባኮ ማዳዘንሢዳ ቢያ ጎዳ ማቶ ሄሊሳንዳኔ።

7 ዓይጎር ጌዔቴ ጾኦሲ ኑና ዔኤሌሢ ዲዛም ኑ ደመጴያ ማዒ ናንጋንዳጉዲ ማዓንዳኢፓዓቴም ዲኢቲ ኑ ናንጋንዳጉዲቲቀሴ።

8 ዓካሪ ሃያ ዘር ቦሂ ሃሻሢ ጌኤዠ ዓያኖ ዲንጋ፣ ጾኦሲ ቦሃንዳኢፓዓቴም ዓሲ ቦሂባኢሴ።

9 ቀሊ ናሽኪሢ ዛላ ዲንሢ ዲንሢር ጾኦሲዳፓ ዔሬያታሢር ዬያ ባኮ ዛሎ ጾኦሲያ ዲንሢም ፃኢፓኒ ኮይሱቀሴ።

10 ዲንሢ ማቄደኒያ ዓጮይዳ ዓኣ ዲሾንሢንታ ሚሾንሢንታ ቢያ ናሽካኔ፤ ጋዓንቴ ታ ዲሾንሢ! ታ ሚሾንሢ! ሃሢ ኑ ዲንሢ ዘራ ዘራ ባሼ ዲንሢ ናሽካንዳጉዲና።

11 ሃያኮ ቤርታ ኑ ዲንሢም ኬኤዘሢጉዲ ናንጎ ዲንሢሲ ዲንሢ ዔሪ ናንጋንዳጉዲና ዲንሢ ዛሎ ማላንዳጉዲና ሃሣ ዲንሢ ዋይሢኒ ዲንሢ ኩቻ ዲንሢ ማዳንዳጉዲ ጌይኬ።

12 ዬያይዲ ጾኦሲ ጉሙርቄቀ ዓሰ ባኣካ ቦንቺንቴ ዓሲ ማዒ ሃሣ ዓሲ ማታሱቀያ ማዒ ዲንሢ ናንጋንዳጉዲኬ።

ጎዳኮ ሙኪያ ኬሎና ማዓንዳ ባኮ

13 ታ ዲሾንሢ! ታ ሚሾንሢ! ዋዘባኣ ዓሰጉዲ ሃይቄ ዓሰ ዛሎ ዲንሢ ጾቆቀጉዲ፤ ሃሣ ዔያታ ዋይታንዳቴያ ጎኑም ዲንሢ ዔራንዳጉዲ ኑ ኮዓኔ።

14 ዩሱሴ ሃይቄ ሃይባፓ ዔቄሢ ኑ ዔራኔ፤ ዬያር ኪሪሰቶሴ ጉሙርቄ ዓኣጾ ሃይቄዘንሢ ኪሪሰቶሴና ዋላ ጾኦሲ ዔኪ ሙካንዳኔ።

15 ጎዳ ጌዔ ጎይያና ኑ ዲንሢም ሂዚ ጋዓኔ፡- ጎዳ ሙካንዳያ ሄላንዳኣና ኑኡኒ ሃይቄባኣጾ ዓኣ ዓሳ ሃይቄ ዓሰ ኑ ቢራዓኬ።

16 ጴኤፒ ዓይሥሢ ዲላቲ ዑኡሲ፣ ጾኦሲ ኪኢታንቾ ሱኡጋሢ ዑኡሲና ጾኦሲ ዛዬያ ዋይዚንታንቴ ጎዳ ፔኤር ጫሪንጫፓ ኬዳንዳኔ፤ ዲማና ኪሪሰቶሴ ጉሙርቄ ዓኣጾ ሃይቄዘንሢ ቤርታዲ ዔቃንዳኔ።

17 ይካገኙ ኩሉ፤ ሃይቂባኦ ዓኣ ዓሳ ጎዳ ዠባር ዑቻ ኬሰኪ ሞኦኪ ዔካኒ ሻኣር ባኣኮ ሳዓገ ኑ ዔውታንዳኔ፤ ዩያይዲ ያኦሲና ዋላ ናንጊና ኑ ናንጋንዳኔ።

18 ዩያር ሃያ ቃኣሎና ዋሊ ዶዲሹዋቱ።

5

ጎዳኮ ሙኮ ጊኢጊነቲ ካፒሢ

1 ታ ዒሾንሦ! ታ ሚሾንሦ! ዩይ ባካ ማዓንዳ ዋዶና ሌዖና ዛሎ ዒንሢሞ ታ ፃኣፓኒ ኮዑዋሴ።

2 ዒይጎር ጌዔቴ ጎዳ ሙካንዳ ኬላ ዉሲ ዲሚና ሙካሢጉዲ ማዓንዳሢ ዒንሢ ዒንሢ ቶኦኪና ኮሺ ዔራሬ።

3 ዓሳ፡- «ዔኤቢ ባኣሴ፥ ኮሺኬ» ጌይ ማላንቴ ባይሲንታ ዔርቲባኣንቴ ጎጲንዶ ሾይቺ ዓርቃሢጉዲ ዔያቶይዳ ሙካንዳኔ፤ ዋይቴቴያ ዔያታ ቶላዓኬ።

4 ዒንሢ ጋዓንቴ ታ ዒሾንሦ! ታ ሚሾንሦ! ዲሚዳቱዋኣሢረ ዩና ኬሌላ ዉሲጉዲ ዔርቱዋንቴ ዒንሢ ኮይላ ሙካዓኬ።

5 ዋይቲ ጌዔቴ ዒንሢ ቢያሢ ፖዒም ማዔ ዓሲ፤ ሃሢ ርኦሪም ማዔ ዓሲኬ። ኩኩ ዋንቶ ሃሢ ዲሞሮ ማዔ ዓሲቱዋሴ።

6 ዩያር ኩኩ ጴጪ፥ ኩና ኑ ዔሪ ዋይሢ ዓሲ ማዓንዳኣፓዓቲም ሃንጎዋቶጉዲ ኑ ጊንዒባኣቴ ቃራኬ።

7 ጊንዓ ዓሳ ዲሚና ጊንዓኔ፤ ማሢንታ ዓሳኣ ዲሚና ማሢንታኔ፤

8 ኩኩ ጋዓንቴ ፖዒም ማዔ ዓሲታሢረ ኩና ኑ ዔሪ ዋይሢ፥ ኮይላ ናንጊ ኑ ናንጎም፤ ያኦሲ ጉሙርቂሢና ናሹሞና ያልዚር ዳዳ ማኦ ዓንጎጉዲ ኑ ማይንቴ፥ ዳቂንቶኮ ሃጊ ማዓንዳ ዋዘዋ ቶኦካ ዓጎ ያሎ ቆኣባጉዲ ኑ ዓጎም፤

9 ያኦሲ ኩና ማሊ ዔኤሌሢ ሜቶ ኩም ዒንጋኒቱዋንቴ ኑ ጎዳሢ ዩሱሰ ኪሪሰቶሴ ዛሎና ዳቂንታ ኑ ዳንቃንዳጉዲኬ።

10 ኪሪሰቶሴ ኑ ጋይቴ ሃይቂሢ ሺምፔና ኑ ዓኣቴያ ሃይቂቴያ ዒዛና ዋላ ኑ ናንጋንዳጉዲኬ።

11 ዩያር ሃሢ ዒንሢ ማዳ ጎይያ ፔቴይ ባጋሢ ዶዲሺ ዔቂሲሢና ዋሊ ማኣዲዋቱ።

ጋፒንሢ ሃይሴና ሳራሥሢ

4:17 1ቆሮ. 15:51-52። 5:2 ማቲ. 24:43፤ ሉቃ. 12:39፤ 1ጴ፪. 3:10። 5:8 ዒ.ሲ. 59:17፤ ዒፕ. 6:13-17።

12 ታ ዲሾንሦ! ታ ሚሾንሦ! ዲንሢ ባአኮይዳ ማደና ላቢንታዘንሢ። ጎዳ ዩሱሴ ዛሎና ዲንሢኮ ሱኡጎ ማዕዘንሢና ዘራ ዓሶ ዲንሢ ቦንቻንዳጉዲ ኑ ዲንሢ ሺኢቃኔ፤

13 ዔያታ ማደ ማደሮ ቦንቹ፣ ሃሃ ዔያቶ ናሽካያ ማዑቀቱ፤ ዲንሢያ ዎላ ኮሺ ናንጉቀቱ።

14 ታ ዲሾንሦ! ታ ሚሾንሦ! ማደ ማደቀ፣ ቤልፃደ ዓሶ ጎሩቀቱ፤ ዲንሢ ዓሶ ደዲሹቀቱ፤ ላቢንታ ዓሶቀ ማኣዲቀቱ፤ ዓሶ ቢያና ገቢ ዳንዳዒ ናንጉቀቱ።

15 ዲንሢ ባአካፓ ያኢያ ባጋሢም ፑርታ ማደ ዛላ ፑርታ ማሁቀጉዲ ዲንሢና ዔሩቀቱ፤ ዩያይዳፓ ፔቲሢ ባጋሢም ኮሺ ማደኒ ማሎንጎ፤ ዩያጉዲ ሜሌ ዓሶማኣ ቢያ ኮሺ ማደኒ ደደንጎ።

16 ቢያ ዎዳ ዎዛዲቀቱ፤

17 ሃሹቀዎ ቢያ ዎዳ ያኡሲ ሺኢቁቀቱ፤

18 ቢያ ባአዚና ያኡሲ ጋላቱቀቱ፤ ዓይጎር ጌዔቲ ዲንሢ ዩሱሴ ኪሪሰቶሴና ማዒ ናንጋኣና ያኡዛሢ ዲንሢዳፓ ኮዓሢ ዩያታሢሮኬ።

19 ዓያና ጌኤሺኮ ማደ ዲኡኪ ባይዚፖቱ፤

20 ያኡሲ ማላሢ ኬኤዚንታ ዎደና ቦሂፖቱ፤

21 ቢያ ባኮ ዛገ ዔሩቀቱ፣ ኮሺ ማዕ ባኮ ዔኩቀቱ፤

22 ዓይጎቀ ፑርታ ባአዚፓ ቢያ ሃኩቀቱ።

23 ኮዥ ያኡዛሢ ዒ ፔኤሮ ዲንሢ ፔኤም ዲማሶንጎ፤ ዲንሢኮ ዓያኖ፣ ዲንሢኮ ሸምፓሢ፣ ዲንሢኮ ዑፆ ቢያ ኑ ጎዳሢ ዩሱሴ ኪሪሰቶሴ ሙካ ኬሎም ቦሂሳ ባአዚ ባኣያ ማሂ ዒዚ ካፖንጎ።

24 ዲንሢ ዔኤሌሢ ጉሙርቁንታያ ማዕሢሮ ዩያ ቢያ ባኮ ዒ ማደንዳኔ።

25 ታ ዲሾንሦ! ታ ሚሾንሦ! ኑማኣ ሺኢቁቀቱ።

26 ዎሊኮ ጌርሲንሢጉዲ ሄርቁ ሄርቁ ኪሪሰቶሴ ጉሙርቃ ዓሶም «ኮሺዳ?» ጌዔኔ፣ ጎዑቀቱ።

27 ሃይ ኪኢታ ኪሪሰቶሴ ጉሙርቃ ዓሶም ቢያ ናባቢንታንዳጉዲ ጎዳ ሱንፆና ታ ዲንሢ ሺኢቃኔ።

28 ጎዳ ዩሱሴ ኪሪሰቶሴኮ ኮሹም ዲንጊያ ዲንሢና ማዎንጎ።

ጌሌዥ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929